

欽定大清會典事例

欽定大清會典事例卷一千一百四

欽天監

職掌

製時憲書  
選擇

進時憲書  
候時

分送春牛圖

頒朔  
交

製時憲書。○順治元年。欽天監進新法測量等儀。並新法書式奉

旨。西洋新法推算精密。現今造曆。准悉依此法。○二年。

新書告成。頒行天下。面刻欽天監依西洋新法印造時憲曆日。頒行天下。偽造者依律處斬。有能告捕者。官給賞銀五十兩。如無本監曆日印信。即同私曆。○康熙八年。去依西洋新法五字。

改為欽天監奏准印造時憲曆日頒行天下。

三十一年覆准科爾沁等蒙古部落二十四處

曰歸化城曰科爾沁曰杜爾伯特曰札查特曰郭爾羅斯曰巴林曰奈曼曰敖漢曰阿魯科爾

沁曰札魯特曰翁牛特曰喀爾喀曰克什克騰

曰喀喇沁曰土默特曰烏珠穆沁曰阿巴噶曰蘇尼特曰阿巴哈納爾曰浩齊特曰四子

部落曰茂明安曰烏利特曰鄂爾多斯太陽

出入節氣時刻載入時憲書。四十二年覆准

各蒙古東自野索西至雅爾堅地方久經內附。

令欽天監遵

欽定三角形簡法自北極高四十四度巴爾古爾河以

至六十八度武定河之處俱照

盛京之例。增衍列表。○五十二年覆准額魯特喀

爾喀等諸蒙古部落並哈密地方十有五處布

隆堪布爾噶蘇泰曰額格色楞額曰桑錦達賚  
曰肯持曰克爾倫河巴拉斯城曰圖拉河韓山

昭曰喀爾喀河克勒河邵曰鄂爾昆河額爾德尼  
昭曰空格依札布韓河曰推河曰翁吉曰薩克

薩圖古里克曰固爾班  
賽堪曰阿拉善曰哈密太陽出入節氣時刻增

入時憲書一例頒發。○五十六年奉

旨。時憲歷內所列男女九宮以上元為中元傳誤已久

著欽天監照依星歷考原具題改正。○五十七年

欽定七政四餘萬年書告成。○五十九年覆准六十年

甲子初周自康熙元年為始依次編列定為萬

年書於六十一年後紀年處增入紙張書康熙  
六十一年以後年歲。六十一年十一月恭進  
雍正元年時憲書式奉

旨。書面止載欽天監奏准印造一段。自偽造者以下載  
於後面。○雍正三年奉

旨。時憲書面欽天監奏准一段。改為欽天監欽遵  
御製歷象考成印造時憲曆日頒行天下。○五年  
諭。嗣後時憲曆中逢

列祖忌辰。應將結婚姻燕會喜慶等事。均不載入。方是  
至朕宮中。每遇

列祖

列后忌辰皆素服齋居御厯中忌辰更不當載入巡幸

燕會等字樣著欽天監詳議奏請永為定式欽此遵

旨議定凡恭遇忌辰註安撫邊境安牀解除求醫療病

裁製繕城郭築隄防經絡立券交易納財修置

產室開渠穿井安碓磴補垣埽舍宇修飾垣牆

平治道塗伐木捕捉栽種牧養納畜餘事不註

○又奉

旨。民厯內逢忌辰仍註豎柱上梁開市。○九年奉

旨。改月五星陵犯厯為月五星相距時憲厯。○十三年

奏准時憲書內遇齋戒日期於日旁加圈作記

列聖

列后忌辰加圈亦如之。○又奏准十月恭進乾隆元年  
時憲書式書前面改為欽天監欽遵

御製數理精蘊印造時憲書頒行天下後面改為如無  
本監時憲書印信即同私造。○又奏准改定月  
五星相距時憲書名。○乾隆五年議准七政時  
憲書內改正交為羅暎中交為計都古法以日  
月交行出黃道南謂之天首為羅暎入黃道北  
謂之天尾為計都西法占候後天一日遂以羅

喉為尾計都為首。今依古改正。並增紫氣以備  
星家四餘。○六年

欽定萬年書十二卷告成。書板交監收存。願刷者聽。  
十八年奏准。月五星相距時憲書。照日月交食  
例。凡不見者。均不載入。○又議准二十八宿紀  
日。改依古法。背前參後。○二十年奉

旨。準噶爾諸部盡入版圖。其太陽出入節氣時刻宜載  
入時憲書。頒賜正朔。以昭中外一統之盛。○二十三  
年覆准。增黑龍江吉林伯都訥三姓。尼布楚城。  
太陽出入節氣時刻。載入時憲書。○又覆准。伊



犁等蒙古部落並巴里坤吐魯番二十處

里坤巴

曰伊華曰哈布塔克曰拜達克曰穆壘曰濟木

爾曰博囉塔拉曰魯克沁曰烏沙克塔勒曰哈

利沙爾曰庫爾勒曰珠勒都斯曰崆吉斯曰哈

作曰哈薩克 太陽出入節氣時刻增入時憲書

一例頒發。二十五年改正三元甲子萬年書

告成自乾隆元年自百年遵

旨增入節氣照時憲書式樣書寫。又覆准回部等二

十六處 曰布魯哈什曰庫車曰克里雅曰賽哩和

作曰阿克蘇曰沙爾色呼庫勒曰喀什噶爾曰葉

爾羌曰英吉沙爾曰烏什曰巴爾楚克噶爾曰葉

特安集延曰鄂什克南曰幹罕曰巴達克善山曰布魯

喀楚特曰鄂什克南曰羅爾罕曰巴達克善山曰布魯

干曰霍干 曰塔什干 太陽出入節氣時刻增入時憲書一

例頒發。○三十二年

諭。月令有冬至麋角解之文。欽天監時憲書久經沿襲登載。前以鹿與麋皆解角於夏。即疑禮經傳習不無承謬。嘗著鹿角記為之辨論。而未究其所由。昨因時值長至。偶憶南苑內向有馴育之麋。俗名長尾鹿者。此時曾否解角。令御前侍衛前往驗視。則蛻角或雙或隻。正與節候相叶。並持新蛻之角呈覽。自來疑義為之頓釋。說文有馴麋為麋屬之語。名苑又稱鹿大者為麋。然三者實迥然不同。北人知之。而南人則弗

能辨是以輟轉滋舛夫窮理格物乃稽古所必資已  
 詳為著說以識並著將此交欽天監自後時憲書內  
 即行改廩為塵俾示信四海毋仍昔誤○三十五年  
 諭自乾隆三十六年辛卯為始於一歲下添書六十一

歲仍依干支以次載至一百二十歲○三十七年覆

准土爾扈特等二十四處

海曰烏爾固木杜爾伯特曰科布多城曰布勒  
 罕河土爾扈特曰阿爾泰山烏梁海曰阿爾泰

諾爾烏梁海曰汗山哈屯河曰烏龍古河曰赫  
 色勒巴諾爾曰和碩特曰霍博克薩哩土爾

扈特曰庫爾喀烏蘇爾扈特曰額爾齊斯  
 河曰齊諾爾曰齋爾蘇爾扈特曰品爾斯

尾特曰阿勒汗山曰巴爾葛什諾爾曰特穆太  
 爾圖諾爾曰吹河曰塔拉斯河曰那林山

陽出入節氣時刻。增入時憲書一例頒發。○三十八年遵

欽定清漢對音字式。改正時憲書內所載蒙古諸部落及哈密伊犁吐魯番諸回部等地名四十七處。並改布隆堪布爾嘎蘇泰為二處。一布隴堪。一布爾噶蘇臺。克爾倫河。巴拉斯城。為二處。一克魯倫。一巴爾城。圖拉河。韓山。為二處。一圖拉河。一汗山。喀爾喀河。克勒和邵。為二處。一喀爾喀河。一克勒和碩。鄂爾昆河。額爾得尼招。為二處。一鄂爾坤。一額爾德尼昭。空格衣札布韓河。為

二處一崆格。一札布堪薩克薩圖古里克為二  
 處。一薩克薩克。一圖古哩克。和闐依里齊為二  
 處。一和闐。一伊里齊。布魯特安集延為二處。一  
 布魯特。一安集延。四十年奏准安徽湖南甘  
 肅三省太陽出入節氣時刻增入時憲書一例  
 頒發。四十二年奏准兩金川及各土司十三  
 處。曰瓦赤曰木塔曰鄂克什曰三雞谷曰小金  
 川美諾曰布拉克底曰金川噶拉依曰黨霸  
曰金川勤烏圖曰巴旺曰綽  
 斯甲布曰明正曰革布什咱太陽出入節氣時  
 刻增入時憲書一例頒發。五十二年續修萬  
 年書告成。五十四年奏准安南照朝鮮之例

載入時憲書一例頒發。○五十八年

諭朕於六十一年歸政。嗣皇帝於是年改元。所有時憲書後紀年篇頁。其進呈宮中所用。及頒賜阿哥王子一品大臣者。應照康熙六十一年時憲書式樣。勻刻三頁。第一頁首行書嗣皇帝元年。次行書乾隆六十年。以次紀年至六十一歲。乾隆元年止。其頒發各直省之時憲書。仍照常式。刊作二頁。首行書嗣皇帝元年。次行書乾隆六十年。以次紀年至六十歲。乾隆二年起。以符定例。○嘉慶四年再續修萬年書告成。○十四年奏准琉球國太陽出入節氣時刻載入

時憲書。○十六年

諭。據欽天監奏。查得嘉慶十八年癸酉時憲書。係閏八月。是年冬至在十月內。為向來所未有。因復查得十九年三月。亦無中氣。可以置閏。應否改為十九年閏二月等語。朕思置閏自有一定。非可輕言更易。恐該監推步之處。或有舛錯。因降旨交該監再行詳細通查。茲據奏稱。溯查康熙十九年五十七年。俱閏八月。是年冬至仍在十一月。與

郊祀節氣均相符合。今嘉慶十八年閏八月。冬至在十月內。則

南郊大祀不在仲冬之月。而次年上丁上戊。又皆在正月。不在仲春之月。且驚蟄春分。皆在正月。亦覺較早。若改為十九年閏二月。則與一切祭祀節氣均屬相符。復將以後推算至二百年。其每年節氣以及置閏之月。俱與時憲無訛等語。定時成歲。所以順天行而釐庶績。

南郊大祀應在仲冬之月。上丁上戊應在仲春之月。此外一切時令節氣皆有常則。今據該監上攷下推。直至二百年之遠。必須改於十九年二月置閏。始能前後脗合。實為詳慎無訛。自應照此更正。○道光四年。



再續修萬年書告成。○咸豐元年。再續修萬年書告成。○同治元年。再續修萬年書告成。○光緒二年。再續修萬年書告成。

### 進時憲書

頒朔。○原定。每年二月初一日。進呈來歲時憲書式。御覽畢。繕譯刊印。四月初一日。咨呈兵部。由驛遞各省。布政使司書式各二本。一本用印存司署。一本不用印。照式刊刻。鈐欽天監時憲書印。至期頒發本省。九月豫期具題。十月初一日恭進。繕錄清漢字。

御覽時憲書各一本。刷印清漢蒙古字時憲書各一本。清漢字七政時憲書各一本。

皇后刷印清漢蒙古字時憲書各一本。清漢字七政時憲書各一本。均用黃綾面套。黃羅銷金包袱包封。

皇貴妃

貴妃

妃刷印清漢蒙古字時憲書各一本。清漢字七政時憲書各一本。均用金黃綾面套。金黃羅銷金包袱包封。

嬪刷印清漢蒙古字時憲書各一本。清漢字七政時憲書各一本。用紅綾面。無套。紅羅銷金包袱。以上時憲書均不鈐時憲書印。

頒賜時憲書於王公。均清漢蒙古字時憲書各一本。清漢字七政時憲書各一本。王用紅綾面。紅羅銷金包袱。貝勒用紅綾面。貝子公用黃裱紙面。公主給清漢蒙古字時憲書各一本。用紅綾面。均紅棉紙包袱。八旗各部院衙門大臣堂官。滿洲給清字蒙古給蒙古字漢軍漢人給漢字時憲書各一本。均黃裱紙面。每旗每衙門共

一紅棉紙包封。其八旗滿洲官員給清字蒙古  
官員給蒙古字。漢軍官員給漢字。時憲書各一  
本。均由監交各旗分發。各衙門漢官。每人給漢  
字時憲書一本。由監交各衙門分發。其各衙門  
坐書。於初三日行文赴監支取直隸。

盛京等處文武衙門官。各給一本。應領清字漢字  
蒙古字時憲書。行文赴監支取。直隸奉天各府。  
每府給漢字七政時憲書二本。時憲書千本。大  
興宛平二縣。每縣給七政時憲書二本。時憲書  
九十本。熱河理事同知。今為承德府。給漢字時憲書

三百本。廣昌縣給漢字時憲書二百本。皆具文  
申監支取。蒙古藩王各給蒙古字時憲書百本。  
由理藩院頒發。朝鮮國王給紅綾面漢字時憲  
書一本。其屬官給黃紙面漢字時憲書百本。由  
禮部頒發。以上均鈐時憲書印。是日值孟冬時  
饗。

### 太廟恭遇

親詣行禮。於五鼓進呈。遣官恭代。於黎明進呈。監官  
設黃案二於

太和門正中。黃案二於

午門外正中。紅案八於

午門外兩旁。工部設龍亭一於監署大堂正中。黃亭八於大堂兩旁。又設紅案八十於兩廊下。監官率屬朝服。恭奉進

皇帝

皇后

皇貴妃

貴妃

妃

嬪時憲書。置龍亭內。王公大臣時憲書。置黃亭內。

八旗各衙門官員時憲書置兩廊紅案上於龍亭前行一跪三叩禮校尉昇亭。

御仗前導樂部和聲署作樂三科官導引堂官後隨自

長安左門中門進至

午門前監官由亭內恭奉進呈時憲書安設黃案上。

頒賜王公大臣時憲書安設紅案上校尉徹亭置兩旁監官奉書由

午門中門入至

太和門設黃案上堂官行三跪九叩禮授內務府  
官恭奉進呈退出王公百官齊列

午門前鴻臚寺官贊引宣

制行禮王公以下跪領如儀又月五星相距時憲書  
每年十二月進呈其刊造時憲書刷印紙包封  
紙裝潢綾絹顏料及工價銀兩於戶部支領筆  
墨板片梭麻及頒發直隸

盛京蒙古部落朝鮮應用箱籠等物工部支領○

康熙十一年定每年進小本民用時憲書清字  
五本漢字五本俱藍綾面無套又清漢字兼寫



一本黃綾面套。與月五星相距。時憲書同進。○  
乾隆十七年奏准。進呈時憲書。及

頒給諸王時憲書。俱改用榜紙包封。○又定八旗文武官員及各衙門漢官應領之時憲書。均於

午門外

頒給。○三十年奏准。所有

頒賜王公等時憲書。止用清漢字時憲書各一本。裁去蒙古字時憲書。○四十六年奉

旨。所有欽天監每年進呈時憲書。著照前例。仍用銷金包袱包裹進呈。至親王應得之時憲書。亦著照前例

賞用包袱。欽此。遵。

旨議定。恭進。

御覽時憲書。

皇太后

皇后時憲書。用黃羅銷金包袱包封。

皇貴妃

貴妃

妃時憲書。用金黃羅銷金包袱包封。

嬪時憲書。用紅羅銷金包袱包封。親王時憲書。用

紅羅銷金包袱包封。其郡王貝勒貝子公主時

憲書仍用紅棉紙包封。○五十四年奏准安南國照朝鮮數目亦給紅綾面漢字時憲書一本其官屬給黃紙面漢字時憲書百本由禮部頒發。○六十年

諭本日皇太子率同王大臣等奏恭進乾隆六十一年時憲書豫備內廷頒賞之用一摺覽奏具見惻忱朕登極初元即籲懇

昊慈臨御至六十年不敢上同

皇祖以次增載之數因定例孟冬分發來年時憲書特明頒諭旨建立皇太子以明歲丙辰為嘉慶元年舉

行歸政典禮。此實朕祇迓

天庥敬繩

祖武之念。數十年如一日。屢經降旨。明白宣示。茲皇太子及王大臣等。以朕歸政。改元為曠古未有之盛典。雖現在頒朔。以嘉慶紀年。而宮廷之內。若亦一體循用新朔。於心實有所未安。特進獻乾隆六十一年時憲書。臚詞籲懇。出於至誠。朕已俯從所請。用備頒發。內廷皇太子皇孫及曾元輩。並親近王大臣等。遂其愛戴之忱。其分頒各直省外藩。仍用嘉慶元年時憲書。以符定制。○嘉慶元年二年三年。

太上皇帝仍閱乾隆年號時憲書。恭進繙譯清漢字時  
憲書各一本。刷印清漢蒙古字時憲書各一本。  
清漢字七政時憲書各一本。用黃綾面套黃羅  
銷金包袱包封。外備

賞漢字時憲書百本。用紅綾面。無套。黃棉紙包封。○光  
緒十三年奏准

頒清文時憲書五本。漢文時憲書四十五本。修造吉  
方立成書五十本。自本年孟冬

欽頒光緒十四年正朔為始。移送兵部。由驛轉遞。駐  
藏大臣祇領

交食。○原定日食分秒時刻。月食時刻。帶食分秒時刻。皆按法推算。前期五月。繪圖具題。

旨下禮部通行天下救護。自初虧起至復圓止。帶出地平。自見食起至復圓止。食不及一分。不行救護。○康熙十七年。豫進七政交食表告成。共三十二卷。名曰康熙萬年表。○二十二年。推算日月交食表告成。○六十一年定日食三分以內者。不頒行。○雍正八年。重修考成交食表。○乾隆六年定月食三分以內者。亦不頒行。○十三年定日月交食三分以內者。皆頒行。不救護。○

又定日月交食三分以下。例不救護者。不具題。仍於五月前摺奏。禮部將見食省分。行文知照。不見食省分。毋庸行知。○十四年

諭。凡日月交食。授時者原可推算而得。而春秋之例。又紀日而不紀月。朕惟懸象著明。人所共仰。雖為晷運之常有。自不若光明之恆度。無事於諱。不可不謹。故崇社奏鼓。自古重之。舊制交食分秒時刻。頒行各省。不及一分者。不行救護。後定為三分以上。方行救護。又經禮部奏定。不見食省分。並不及三分者。皆不行知。夫不先期行知。則二三分者。原可見食。將致反生。

疑駭。不以為靈臺失占。即為有司怠事。非所以克謹  
天戒也。嗣後仍循曩制。一分以上。即令救護。前期五  
月。具題請旨。無論見食不見食。省分皆頒行。其不見  
食。省分不必救護。○二十八年。奏准日食帶食。照月  
食帶食之例。推算初虧復圓時刻。全載入圖。以  
歸畫一。○五十年

諭。五十一年正月初一日食。業經頒諭停止朝賀。其救  
護典禮。禮部遵例奉行。朕仍於內殿恭設香案。虔申  
祈禳。以答

上天垂象。儆惕修省之意。至於下詔求言。史冊所稱。朕



以為轉涉虛文。蓋事

天以實。為人君者敬

天勤民躬理庶務。日慎一日。乃職分所當然。即大臣言官。應行陳奏事件。原當隨時入告。豈待日食。然後求言。况今每日御便殿聽政。批答章奏。大學士軍機大臣及九卿科道等。不時召見。諮詢政務。即外省自督撫至道府。無不隨時宣召。未致民隱壅於上聞。詎因日食。方始下詔求言耶。至薄蝕天變。日時度數有定。昔宋仁宗康定元年。正月丙辰朔。應日食。先是日官楊惟德等。請移閏於庚辰年。則日食在正月之晦。帝

曰。閏所以正天時而授民事。其可曲避乎。不許。所見甚為合理。蓋凡日食必以合朔移於晦日。尤為非是。又考漢唐以來。如光武帝建武二年。北魏孝文帝延興四年。太和十四年。唐太宗貞觀六年。均以正月朔日食。昔我

皇祖時。以康熙三十一年及五十八年正月朔日食。且三十一年有錫伯瓜爾察達呼爾等來歸。喀爾喀格楚爾喀亦以屬裔來歸之事。可見日食為定數。為人君者。則當因此益加戒懼。至於以改移為消弭之說。則尤斷斷不可。

選擇。○原定每年九月中。由監選擇祭祀日期。開送禮部。凡吉慶興造諸典禮吉期。俱由監選擇。或具題。或行文移送。恭遇修建。

壇

廟

山陵

宮殿城垣各大工。委官相度陰陽嚮背。選擇吉日吉時。給賞有差。○康熙七年題准。現在民間行用各通書。均不及選擇書。萬年書通書大全三書。較為近理。可以取用。但選擇書內。闕山嚮正。

五行等二十四事。其正五行於三台通書內取用。其餘於通書大全內所載。合歷法公規等條取用。此外俗說相沿。合之陰陽五行之理。顯形背謬者。悉令刪去。○八年議准。仍用洪範五行。○十年定。選擇祭祀日期。移送太常寺。○十二年議准。選擇書萬年書。並通書大全三書內。山嚮洪範五行等二十四件。合為一書。共成十冊。名曰

欽定選擇歷書。同萬年書。永遠遵行。○五十四年。

御定星厯考原告成。

頒賜欽天監。○乾隆六年。

欽定協紀辨方書三十六卷告成。書板交監收存。願刷

印者聽。○嘉慶七年。

諭。向來祭

社稷壇。應用上戊。本年二月初七日係上戊。乃欽天監

所定祀期。擇用十七日次戊。於典禮未協。仍著查照

向例。於二月初六日上丁祭

先師孔子。即於次日上戊恭祀

社稷壇。嗣後祭

社稷壇。俱遵用上戊。○又

諭嗣後大祀中祀如遇忌辰當以祀典為重不必改

移祭祀日期用昭虔肅。十二年

諭乾清宮西暖閣內安設書格恭貯

五朝實錄

聖訓排次充盈茲纂繕

皇考高宗純皇帝實錄

聖訓將屆告成誦吉受書敬惟

皇考臨御寰宇六十年

訓政三年久道化成

功文魏煥載之簡冊篇帙尤繁理應依次排貯因念乾

清宮東暖閣內。向亦安設書格。與西暖閣規制相同。  
東暖閣位次居尊。自應恭奉。

五朝實錄

聖訓先期移貯東暖閣。俟受書日。再恭奉。

高宗純皇帝實錄

聖訓安庋西暖閣。於敘次益昭允協。著欽天監即選擇

吉日時具奏。○十三年八月。致祭玉泉山。

龍神恭值

太祖高皇帝忌辰奉

旨。向來

園丘

祈穀

方澤及時饗

太廟諸大祀即遇忌辰日期亦照舊致祭原以禮統於尊祭期亦有一定若

龍神諸祀皆為羣祀何必於忌辰行禮嗣後致祭羣祀不得用忌辰著另擇日行禮○十五年奉

旨明歲開印日期據欽天監擇於正月二十一日卯時是日恭值

祈穀壇大祀其日亦係先由該監恭查奏定祇肅將事



卯刻正當行禮之時。在陪祀諸臣。或可分班到署。開印。朕禮成後。應前赴御園。即還宮開寶。已在卯時之後。該監職司選擇。乃於典禮重事。漫不經心。其疏率不慎之咎。實無可辭。所有明年開印日期。即著用此次改擇之正月十九日辰時。○二十四年

諭。前經降旨。各處應修工程。均令欽派勘估大臣帶領。欽天監官。前往相度方向。應否修造。奏明分別辦理。惟是欽天監官員。本屬無多。若各處歲修工程。逐一派往。該衙門素本清苦。恐資斧不無賠累。因思每年修造宜忌。皆有一定方向。協紀辨方所載。本極詳明。

著欽天監按照書內將次年宜修造係何方向不宜修造係何方向詳細臚列奏明刊刻印本於每年頒發時憲書時一併發給如該處有應修工程查明書內本年方向不宜即暫入緩修毋庸具奏嗣後欽天監官員停止派往以歸簡易○二十五年纂輯修造吉方立成書告成刊刻印本頒給各省歲以五百本為定額○道光十五年

諭國家設立欽天監掌測候推步之政令及凡占驗選擇之事遇有應行典禮先期諏吉向俱恪遵

欽定協紀辨方書考其宜忌敬謹選擇奏明辦理本年

舉行孝穆皇后孝慎皇后梓宮奉安典禮由欽天監擇吉奏聞。經敬徵等於九月內選擇二十一二十八兩日開列請旨。朕因二十八日係屬平日。是以取用二十一日舉行奉安典禮。朕於幾暇偶閱。

欽定協紀辨方書。將是日干支合其宜忌。殊覺未協。當將是書發交軍機大臣會同敬徵循其義例。詳細推求。有無妨礙。旋經軍機大臣及敬徵將忌用各條。於書內夾籤進呈。朕覆加披閱。是日舉行奉安典禮。實不相宜。敬徵經朕疊加任使。擢至尚書。管理欽天監事務有年。於諷日宜忌。素為熟諳。宜如何慎重揀選。

此次所擇奉安日期。紕繆至此。如知其不宜。勉強湊合。則居心直不可問。如以是日忌用之處。並不遵照協紀辨方。敬謹詳查選擇。反稽諸不經外傳。此係何等重大之事。乃如此漫不經心。將就草率。莫此為甚。且經朕指出。責令會同詳查。敬徵亦知其忌用。並不具摺請罪。喪心病狂。種種荒謬。實屬辜恩溺職。敬徵著革去尚書都統。及一切差使。拔去花翎。賞給三品頂戴。仍留內務府大臣。其內務府應管事務。准其照常管理。並仍著管理欽天監事務。以觀後效。其隨同具奏之欽天監堂官。著查取職名。交部嚴加議處。所

有奉安日期。著軍機大臣會同禮部欽天監敬謹選擇另行具奏。

候時。○原定。每歲委博士二人。督率陰陽生十人。輪直譙樓報時。每日以博士一人。直

神武門指示更點。

內廷時辰房。日委天文生一人。看香候時。朝會慶賀諸大典。委官隨禮部鴻臚寺官。赴

乾清門報時。祭祀大典。委官同太常寺官報時。恭

遇

聖駕巡幸。委官隨從。直更候時。恭遇修建

山陵委官相度候時。譙樓所用更香。於光祿寺支領。油燭於戶部支領。冬月木炭於工部支領。

神武門更香。於戶部支領。

內廷時辰房及各處候時所用時辰香油燭煤炭。均於內務府支領。每三年一次換造香匣。於工部支領。○乾隆十七年定。委官隨從行文兵部。給予八旗官馬。戶部按日給以盤費。順天府給予官車。每鐘一分。用大車一輛。帳房二架。於工部支領。委官相度候時。移文兵部。博士給騎鞵三副。馱鞵一副。天文生給騎鞵二副。馱鞵一副。

於工部支領。

分送春牛圖。○原定。每年六月。順天府移文過  
監校正次年春牛顏色繪圖。俟立春日禮部進  
呈春山土牛後。由監分送諸王貝勒各一圖。

欽定大清會典事例卷一千一百五

太醫院

官制

設官 升降 服 康熙

京察

選補醫生

品

設官○

國初設院使一員。左院判一員。右院判一員。御醫十員。吏目三十員。醫士四十名。醫生二十名。切造醫生二十名。○順治十八年。裁醫士二十名。醫生十名。○康熙九年。仍復舊額。○十四年。復裁醫士二十名。醫生十名。切造醫生十名。○二十年。添設切造醫生五名。○二十三年。添設切



造醫生五名。○五十二年。裁御醫二員。○雍正

元年。仍復御醫十員。

副又添設五員。

添設醫士二十名。

裁醫生十名。○八年。增設食糧醫員三十名。○

乾隆二年。奏准。食糧醫員三十名。永為定例。○

三十五年。裁切造醫生三名。○道光二十三年。

裁御醫二名。吏目四名。食糧醫員二十名。

升除。○院使由左院判升補。左院判由右院判

轉補。右院判由御醫升補。御醫由吏目升補。吏

目由醫士升補。其御醫以下員缺。堂官將內直

勤勞者擬定正陪。具奏請

旨補授。如內直補完。方將外直應升各官奏補。其各  
官員缺奉

旨特用者。不在此例。○同治五年議准。八九品吏目。  
食俸六年無過。准其歸部候選。八品吏目。升按  
察司經歷。州判。九品吏目。州判。府經歷。縣丞。定  
為應升之缺。俟到任後。扣實歷俸。由該堂官出  
具切實考語。保送到部。由部註冊。以應升之缺。  
歸於俸滿。即升班內。與各省佐貳。六年俸滿。即  
升人員。較俸升用。如遇俸深到班。亦准論俸升  
用。至俸滿人員中。有脈理精通。熟諳治法者。准

該堂官奏留。如已銓選軍務及邊遠省分。不得  
臨期奏留。以杜規避。如醫理生疏。雖屆六年。不  
准濫竿充數。○六年議准。考試取一等者。按名  
次儘先擬補。一等用完。將二等之差務勤能者  
分別續補。三等者停其升轉。不列等者革除。○  
又議准。御醫八九品吏目缺出。將應升人員。按  
考取等第名次。酌其差務勤惰。擬定正陪奏補。  
醫士恩糧缺出。將應補人員。按考取等第名次。  
酌其差務勤惰。擬補。效力醫生。先儘正取名次。  
擬補。再以次取名次續補。不取者革退。錄取各

員。如差務懶惰。以及醫學荒疏者。停其升轉。遇缺。將其次應補之人擬補。停升後。勤慎當差。學習。即由本院查明。出具切實考語。咨送吏部。准其升轉。○又議准。各項缺出。輪應開復升轉之人。同時到班。先補開復一人。次用升轉一人。由本院奏補。毋庸擬定正陪。

京察。○嘉慶五年奏准。各項醫官暨八九品吏目。共額缺四十五員。內有通曉醫理。當差勤勉者。值京察年分。自應稍予鼓勵。嗣後每遇京察。由院擇其優者。量保三四員。作為一等。咨送吏

部過堂奉

旨後將一等者註冊。毋庸帶領引

見。遇有應升缺出。先儘該員等補用。其已就衰庸不能稱職者。奏請黜革。以歸覈實。

選補醫生。康熙四十七年覆准。太醫院現有御醫吏目等百有五人。每日各處輪直。需用一百十有一人。差多人少。實不敷用。應於直省民醫暨舉貢生監有職銜人內。擇精通醫理情願效力者。酌增二十名。布衣赴該院具呈。其有職銜者。該地方官給照。亦於該院具呈。遴選補用。

如效力年久。實有成效。布衣與醫士。醫生照常  
補授外。其有職銜者。該院將應用情由。開明具  
奏。移送該部。遇有伊等應用職銜。准其先用。其  
御醫。吏目。醫士等。老疾不能行走者。呈院驗實。  
奏准告退。病愈仍赴院具呈。准其原額補用。若  
推諉託故。不具呈補用。在外行醫者。交該部嚴  
加議處。若非實因年老有疾。該院徇情准退者。  
一併議處。○雍正元年

諭。良醫須得老年經歷多者。但伊等憚於遠行。嗣後果  
有精通醫理。療疾有效者。或將伊等子弟輩。授為經

厯吏目微職。以示鼓勵。著大學士等議奏。欽此。遵旨議定。令九卿暨直省督撫。各舉灼知之年老醫生。該地方官資以路費。護送到京。報禮部交院試用。果能醫理精通。療疾有效。即奏明照例在院授職外。仍聽報出伊子弟等一人。如係現任官。以應升之官即用。候補候選者。以應得之職即用。貢監生員。以經歷即用。布衣以吏目典史即用。○又覆准。行文直省巡撫。於所屬醫生。詳加考試。果有精通類經註釋。本草綱目。傷寒論。三書者。題請為醫學官教習。每省設立一人。准其食

俸三年。如果勤慎端方。貢入醫院。授為御醫。其員缺即於本省學習人內揀選補授。凡所屬州縣衛習醫人。令其訪明考試。即將三書教習。有精通者。呈報巡撫。給咨赴院考試。上者授以吏目醫士等官。其有年力不能赴京者。留為本省

教授待補。

謹案現例。初進醫生。自取同鄉京官印結。赴院具呈報明。經本院首領廳

驗看後。再取本院醫士醫官保結。由堂官面加考試。醫學可造就者。准其在院肄業候試。挨次補頂。

品服。○雍正元年定。醫士許用從九品冠帶。如欽天監天文生例。○七年定。御醫均授七品。許



用六品冠帶。挂數珠。○八年定。吏目許用八品冠帶。

廩餼。○雍正元年定。醫士月給銀一兩五錢。公費飯銀一兩五錢。米九斗。○八年增設食糧醫員三十人。每人月給銀二兩。謹案食糧醫員今止二十人。

習業。設科。教習。考試。

設科。○本院官士習業。

國初設十一科。御醫。吏目醫士。醫生。各專一科。曰大方脈。小方脈。傷寒科。婦人科。瘡瘍科。鍼灸科。眼科。口齒科。咽喉科。正骨科。痘疹科。後痘疹歸

小方脈。咽喉口齒共為一科。現設九科。謹彙現設五科。

曰大方脈。小方脈。外科。眼科。口齒科。其傷寒婦人歸大方脈。痘疹歸小方脈。瘡瘍曰外科。咽喉

歸口齒。鍼灸正骨。久經停止。

教習。○本院設教習廳於御醫吏目內。擇學品

兼優者充補。有進院業醫暨醫官子弟均送教

習廳。謀其誦讀。○康熙二十三年題准。遴選本

院官二人。在外衙門教習。與首領庫官輪班直

宿。以應傳差。今停止。

考試。○醫士醫生。本院堂官於素問難經本草

脈訣暨本科緊要方書內。出題考試。擇其學術

精通者頂補。如習業荒疏。經年雖久。不准頂補。仍發教習廳肄業。今停。○同治六年議准。復設醫學館。派教習廳三人。按春秋二季考試醫士。恩糧肄業各生。列定等第。按名頂補。每屆六年。本院會同禮部堂官。除院使院判暨

內廷侍直御醫。奏明毋庸考試外。其八九品吏目。醫士。恩糧肄業等員。一律考試。素專何科。豫期報明。於卷面上戳記。由本院堂官。覈其文理醫學。分別去留。列定等第。封送禮部覆勘。到院拆封填榜。咨行吏禮二部註冊。其未經錄取及醫

學荒廢。食俸食糧降革之人。仍發教習廳課讀。下屆考試。仍准入場。

職掌

侍直 藥 祭 進 御 先醫 扈從 奉差 施藥 儲

侍直。院使。院判。御醫。吏目。醫士。各以所業專科。分班侍直。給事宮中者曰宮直。給事外廷者曰六直。宮直於

御藥房及各宮外班房侍直。六直於外直房侍直。駐蹕圓明園。宮直於

圓明園藥房侍直。六直於外直房侍直。按照次序更代。光緒十三年議定。

西苑壽藥房。本院官每日二員直宿。藥庫庫掌筆帖式切造生等。遇差傳喚。

乾清宮御藥房。本院官大小方脈。每日二員直宿。

進

御。內局修製藥餌。本院官診視調劑。

御藥。參看較同。會內監就內局合藥。將藥帖連名封記。具本開載本方藥性治症之法。於日月之下。

醫官內監書名以進。置簿。凡進藥。奏本既具。隨即登簿。年月下書名。內監收掌。以憑稽考。煎調。

御藥。本院官與內監監視。二服合為一服。俟熟。分為。

二器。其一器御醫先嘗。次院判。次內監。其一器  
進

御若將方奏明。交與內藥房按方煎調者。內藥房辨  
理。如和合誤不依本方。或封題錯誤者。以不敬  
論。凡本院官有侍直效力勤勞素著者。或加銜  
或給賞。俱出自

特恩。

扈從。○凡隨侍

聖駕行幸。有奉

旨點用者。有按班輪委者。皆給夫馬車輛。裝載藥材。

仍給帳房需用等物。均由院申文各該部給發。  
○雍正四年

諭。太醫院官。先年出外。甚是清苦。嗣後隨行出外。如何  
優給之處。著議定。以為常例。欽此。遵

旨議定。隨行出外。凡堂官一人。給帳房一架。行李車一  
輛。馬四匹。每日給盤費銀三錢。醫官醫士等人  
各給馬三匹。盤費銀二錢。三人共給帳房二架。  
行李車一輛。馬甲二人。隨行看守馬匹。車輛。若  
四人。照依前例。若五人。增帳房一架。車一輛。馬  
甲二人。

奉差。○凡諸王公主府暨文武大臣請醫視疾。

本院官奉

旨差官前往。其治療可否。均明晰具奏。外藩公主額駙暨台吉大臣請醫。亦奉

旨差官前往。由部給驛馬箱篋繩氈油單等項。其藥材於內藥房支領。或於藥庫給發。回日銷算。

凡軍前需醫。奉

旨差官。先由禮部送委二人具題。乘驛前往。並遣兵

部官一人。送至軍前。

謹案乾隆朝

以後醫官奉

員帶同本日直班醫官前往。

其隨征醫人。私以庸醫充代者。



罪之。○凡文武會試。由禮部兵部咨取醫士二名。入場供事。由院遴選通曉醫理熟諳方脈之大方脈外科各一員。申送委用。如有用過藥材。開單量給藥價。事畢與各執事官一同赴燕。○

康熙三十四年

諭。黑龍江墨爾根地方緊要。著從京城遣良醫二人前

往。一年更換。四十五年  
年停止。

儲藥。○管理藥庫委官二人。於醫士內選委。專管辦買藥材。二年一換。任滿二年升。豫授吏目。如著有勞績。量加職銜。儻代替乏人。仍令留任。

管理。其辦買藥材。舊例各直省出產藥材地方。每年解納本院生藥庫收儲。委官驗其所辦優劣。其出入皆由禮部。○順治十六年。改歸本院職掌。○十七年題准。選本院官一人。兼攝庫務。頒給印信。設庫役十名。○十八年定。生藥庫復歸禮部職掌。○康熙三年定。錢糧總歸戶部。本院以庫印繳還禮部。其直省歲解藥材本色。並折色錢糧。均由戶部收儲付庫。內藥房所需藥材。均按定例給價。令藥商採辦。每屆三月一次。奏銷。行文到院轉咨戶部。藥商赴部領銀。其藥

材均。以生藥交進。由內藥房醫生切造炮製。

祭

先醫。○每年二月十一月上甲日。於本院之

景惠殿致祭。遣禮部堂官一人主祭。本院堂官二人。分獻兩廡。○雍正十三年議准。春冬致祭。

先醫。令堂屬官一例陪祀。

診視獄囚。○順治八年題定。設刑部應差冠帶醫士二名。每月給發藥價銀米。效力滿六年。劄回到院。升授吏目。○十一年定。設督捕

向屬兵部應

差冠帶醫士一名。與刑部同。如本院需用。即申

明取回。別選充補。

督捕司。嗣歸刑部。所有應差醫士一人撤回。

○康

熙二十三年。又增設刑部醫士一名。

嗣撤回。

施藥。○順治十一年定。

景山東門外。蓋造藥房三間。於本院官內選擇差

遣施藥。惠濟滿漢軍民人等。○康熙二十年議

准設廠十五處。於五城地方。差僉都御史督同

五城御史。發帑金令醫官施藥。○二十一年定。

設東西南北四廠。發帑金差醫官施藥。嗣後每

年照例遵行。

今皆停止。

--	--	--	--	--	--	--	--	--	--



欽定大清會典事例卷一千一百六

侍衛處

建置

設官侍衛

宗室挑補侍衛

武進士挑補

軍

優恤考察

別

點驗軍器

校射

養廉

設官

國初以八旗將士平定海內。鑲黃正黃正白三旗

皆

天子所自將。爰選其子弟。命曰侍衛。用備隨侍宿衛。

亦得選預環列。凡輪直

殿庭。以領侍衛內大臣等總統之。其侍衛等更番

輪直凡六班。班分兩翼宿衛。

乾清門

內右門

神武門

寧壽門為內班宿衛

太和門為外班

行幸駐蹕宿衛亦如之。○順治初年定領侍衛內大臣六人。內大臣六人。一等待衛六十人。二等待衛一百五十人。三等待衛二百七十人。藍翎侍衛九十人。散秩大臣奉

旨補授無定員。○又定奏蒙古事侍衛六人以

乾清門侍衛。或

大門侍衛兼掌奏蒙古字奏摺。○又定領侍衛內

大臣員缺除奉

特旨補授外。將滿洲都統內大臣散秩大臣及各省  
滿洲將軍職名開列具題。恭候

欽簡。內大臣員缺。將散秩大臣都統前鋒護軍統領  
各省滿洲將軍職名開列亦如之。散秩大臣無  
定額。由

特恩補授。或一時不敷。差委於八分不入八分公



民公侯伯子男鎮國輔國將軍及一等待衛內

揀選引

見或授散秩大臣。或署散秩大臣。均恭候

欽定。世襲散秩大臣員缺。移咨該旗辦理。○又定。扈

從之制。後扈二人。於領侍衛內大臣內

簡用。前引十人。於內大臣。散秩大臣。暨統領副都統

內

簡用。豹尾班侍衛。於三旗侍衛內。選功臣後裔六十

人充補。○又定。鑾儀衛掌衛事。大臣員缺。將領

侍衛內大臣。內大臣。列名疏請補授。○又定。印

務班領員缺於侍衛班領署班領什長內不論等級遴選引

見補授。又定領侍衛內大臣補授內閣大學士各部院尚書掌鑾儀衛事八旗都統者兼攝辦理。出為將軍總督者其領侍衛內大臣事務

欽簡署理內大臣散秩大臣亦如之。又定侍衛班領員缺於署班領什長內遴選署班領什長員缺於侍衛內遴選亦如之。初選侍衛皆授為三等及藍翎侍衛。歲以冬月推升一等待衛員缺於該旗二等侍衛內升用二等侍衛員缺於三

等侍衛內升用。三等待衛員缺於藍翎侍衛及五品以上世爵親軍校前鋒校護軍校內升用。藍翎侍衛員缺於該旗侍衛筆帖式及七品官世族子弟並親軍前鋒護軍執事人內升用。均引

見補授。至勳戚後裔內有

特旨初選即授為一二等待衛者即坐補本旗員缺。○又定上駟院侍衛每旗七人。司轡司鞵侍衛無定員。隸上駟院。其兼尚虞備用處鷹鷂房鶴房狗房十五善射善騎射善射鵠善強弓善撲

等侍衛各有專管。統在三旗額內。均無定員。○  
又定。上三旗及附入上三旗之下五旗親軍校  
員缺。由領侍衛內大臣遴選引。

見補授。○又定。主事員缺。於三旗侍衛筆帖式內遴  
選引。

見補授。移咨吏部註冊。按俸升補。筆帖式員缺。於貼  
寫筆帖式內按資開列。咨吏部考職補用。三年  
期滿。如題留者。候補本處主事。移咨吏部。尚由  
部調選。貼寫筆帖式員缺。由主事於親軍內考  
試。拔其尤者。呈領侍衛內大臣覆驗補用。○又

定以漢廕生揀選侍衛量給等次。○康熙七年奉

旨額英吉德立額駙巴克貝勒皆在各蒙古未歸之前來歸故改入滿洲旗此二人之後常令有人在散秩大臣上行走毋使間斷。○二十七年覆准嗣後侍衛處筆帖式不得授為六品若以七品筆帖式補授者即授為七品仍照限年例以主事補用以八品筆帖式補授者即授為八品俟年滿咨部入候補班次之前以七品筆帖式應升雜職員缺補授二員。○三十一年將額英吉德立額駙

巴克貝勒兩族人員引

見奉

旨著曉諭巴克貝勒族人等。伊族之圖呼祿克現任散秩大臣。侯圖呼祿克年老休致後，仍將伊族人員引見其散秩大臣差使，毋致間斷。○五十六年

諭朕近日恭閱

實錄見武功郡王事蹟深為嘉歎。今日問諸吉理其孫內無一榮顯大員。吉理著授為散秩大臣。嗣後散秩大臣必令其孫一人接替。朕所降諭旨專為不忘武功郡王配享。

太廟附葬興京

陵寢特表識之。○六十一年奉

旨。達爾漢轄於

太祖高皇帝時撫育宮中與王等一同行走恭聞

實錄載於五大臣之中者有勞績自應令其家永受國

恩母致道柔其孫希佛者授為散秩大臣今在門上

行走又思正紅旗公彭春之祖何和里額駙正藍旗

鄂善之祖達爾漢額駙當

太祖高皇帝時在五大臣內亦我朝開國之初同心協

力之人允宜賞延於世朕不降旨該旗王等何由得

知此兩家雖籍隸五旗著查其子孫內有可授散秩大臣者引見補授散秩大臣在門上行走再十六大臣內布爾金侍衛之孫原在部行走曾在景山馬射傷足係現任鑲紅旗嚮導護軍參領額里格之父年不甚老亦著引見○又題准揀選親軍在侍衛筆帖式處行走三年實授五年俸滿調補部院衙門筆帖式○雍正十年奉

旨○阿齊圖緣罪革職從前

皇考恩旨令額英吉德立額駙巴克貝勒族中不斷一散秩大臣現今阿齊圖族中奏事侍衛寶德人去得



著授為散秩大臣。二等侍衛安楮庫人亦去得。現在  
巴里坤軍營亦授為散秩大臣。○乾隆三十六年奏  
准侍衛處實缺主事三年期滿咨明吏部。有各  
部院員外郎缺出即行升用。於筆帖式內揀選  
二員帶領引

見以主事委署賞給六品虛職頂戴。毋庸調部院筆  
帖式。令候本處實缺主事之缺。再貼寫筆帖式  
內。每旗揀選五人。賞戴金頂。仍食原錢糧。○三  
十七年奏准印務班領皆作為一等侍衛。班領  
皆作為二等侍衛。帶領引

見補授。○三十九年

諭嗣後十五善射缺。惟將拜唐阿兵丁及各旗閒散宗室引見挑取。至王公大臣侍衛官員內。步箭嫻熟者。於上三旗內。每旗另添設十五缺。將下五旗內王公大臣侍衛官員。一併引見挑取。著為例。○四十年

諭十五善射自有專管王大臣。與兵部無涉。嗣後挑選十五善射之時。著該王大臣承辦。不必由兵部辦理。○又議准尚虞備用處侍衛不敷應差。由三旗大門侍衛內挑取二等待衛四員。作為尚虞備用處侍衛班長之缺。三等待衛蓋翎侍衛各十

五員在尚虞備用處當差。共定為三十四缺。仍  
入大門侍衛額數。照舊進班。遇大門侍衛升等  
之時。將尚虞備用處班長二等侍衛一體升補。  
○又定增設委署親軍校七十七人。鑲黃旗二  
十五人。正黃正白旗各二十六人。○四十五年  
奏准。鷹狗處向無升路。將三旗藍翎侍衛額缺  
每旗移給三缺。令鷹狗長選補。仍同侍衛一體  
進班。○五十二年奉

旨。嗣後襲公爵者。著在一等侍衛上行走。襲侯爵者。著  
在二等侍衛上行走。襲伯爵者。著在三等侍衛上行。

起。○五十六年奉

旨。嗣後武職病痊起復。在侍衛旗員上行走。及終養事畢人員。俱著照吏部文官之例。於每年冬季一併彙齊引見。○五十九年奏准。將家貧年老之尚虞備用處侍衛撥回門上。於三旗侍衛內挑選年壯而當差充裕者對品調換。○嘉慶十八年定。奏蒙古事侍衛八人。以

大門蒙古三等待衛以上揀選引

見兼充。○又定。侍衛員缺。無論出缺多寡。統於五年推升一次。引

見批補足額。○十九年定。後扈大臣於

御前大臣內

特簡無定員。遇扈從奏

派二員。○二十一年定。前引大臣十員。於內大臣散  
秩大臣。

御前侍衛

乾清門侍衛內奏請

簡派。○又添設代走前引大臣十員。遇有故統領者。

開前引缺。所遺代走前引之缺。於

御前侍衛

乾清門侍衛散秩大臣委散秩大臣內奏請

簡派○道光元年

諭永錫等奏懇添設侍衛處主事並正稿筆帖式賞食七品俸一摺侍衛處承辦事務較繁向止設有寶缺主事一員委署主事二員不敷差遣准其添設寶缺主事二員委署主事一員俾三旗各有專員以資辦公至筆帖式十二員均請賞食七品俸銀未免過濫所請不准行仍照舊例辦理○又

諭武隆阿等奏查閱卡倫懇請添派侍衛一摺喀什噶爾英吉沙爾二城額設坐卡侍衛十三員遇有曠缺

無人補替。著添派侍衛二員。俾資差委。○又奏准嗣後藍翎侍衛親軍校。前鋒校。護軍校等。遇有掣得坐卡者。作為委參領。准戴花翎五品頂戴。年滿回京。仍戴原六品頂戴。○十六年

諭。嗣後凡在閱武樓帶領引見射馬箭者。三旗續辦事。章京壓旗時唱名。馬道口放馬時。亦著馬道口章京唱名。○十七年

諭。著十五善射大臣。迅速咨行各旗營。於明春即將應挑十五善射人員。揀選帶領引見。候旨簡放。

宗室挑補侍衛。○康熙三十七年奉

旨。以宗室中人優而善射者。選取侍衛。無定額。○雍正七年議。准宗室侍衛共設九十人。併入三旗隨班行走。此內一等待衛九人。二等待衛十八人。餘皆為三等待衛。由宗人府會領侍衛內大臣遴選引。

見補授自鎮國將軍至奉恩將軍俱先選三等待衛。遇員缺以次升補。其侍衛什長即於宗室侍衛內補授。○嘉慶十七年定。宗室批補侍衛由本處將不兼領侍衛內大臣之都統滿漢大學士尚書銜名開列請。



派會同揀選引

見

武進士批補侍衛。康熙二十九年以武進士之嫻騎射者拔置侍衛附於三旗一體直宿扈從。○雍正五年奉

旨。一甲一名武進士授為一等待衛二名三名授為二等待衛二甲選十人授為三等待衛三甲選十人授為藍翎侍衛永為定例。○嘉慶二十二年

諭嗣後滿洲蒙古考中武進士批取侍衛者一切升轉得項差使俱照滿洲侍衛辦理。○道光十五年議准

嗣後滿洲蒙古人員由武進士出身者悉照漢侍衛之例期滿按俸次科分銓選如遇旗缺月缺概不准保送以杜歧出

大員子弟批補侍衛○乾隆五十年

諭向來滿洲世僕等以待衛拜唐阿為近御差使視為最榮於挑選侍衛拜唐阿時則甚欣願近來在京文武大臣及外任大臣官員子弟多有在館行走否則捐納冀圖支職跟隨伊父兄任所安逸不願批取侍衛拜唐阿者甚多是以批取侍衛拜唐阿時不能得人及至成丁尚不畜差在任日久並不學清語騎射

技藝竟至廢棄滿洲舊俗昔

皇祖時曾經整飭查辦今在京文武大臣外任大臣官員等皆受恩深重得項較多伊等子弟長成更當批取侍衛拜唐阿效力行走方合滿洲世僕之道是以降旨命軍機大臣等詳細查辦各開名單呈覽其年已及歲經朕指出者即著帶領引見但年未及歲者若不酌定年限查辦則日久仍至舊習復萌將此飭諭八旗所有指出現在在任所年已及歲者即行咨取帶領引見嗣後著由該旗五年一次照此查明咨送軍機處彙辦具奏請旨○嘉慶十年奉

旨。此次令八旗滿洲蒙古漢軍包衣三旗將應挑侍衛  
拜唐阿之文武大臣官員兄弟子孫名冊咨送軍機  
處。若不豫定章程傳諭恐辦理不能盡一著通交各  
旗嗣後咨送此項大臣官員兄弟子孫仍照前次所  
辦將在京之文職三品以上武職二品以上世職官  
公侯伯外省文職知府以上武職總兵以上及新疆  
辦事大臣之兄弟子孫內應行咨送者俱著查明造  
冊咨送軍機處照例繕寫清單呈覽該大臣官員之  
兄弟子孫內年及十八歲之六品以下文武人員無  
論補缺與否俱著查送外其候補五品文武人員及

未經引見之五品廕生亦著入冊咨送。至補缺之五品文武官員俱毋庸開送。此內如有呈報殘疾者該參佐領等往驗屬實。著該佐領出具圖結一併交送。僅有捏報者除將捏報之人治罪外仍將該佐領等一併治罪。○十七年定外省文職自按察使以上兄弟子孫准其與挑。遇應挑之年由軍機處將派出揀選之王大臣銜名並應挑侍衛人員送交待衛處辦理揀選帶領引。

見○道光十年

諭從前內外八旗大員之弟兄子孫每逾五年查閱一

次。批取侍衛拜唐阿當差。原因侍衛拜唐阿係體面差使。大員子弟批取侍衛拜唐阿後。伊等益得演習清語技藝騎射。差委得人。自道光六年查辦以來。已屆五年。又應查辦之期。惟念該大員子弟內。各有不同。或因身弱馬上平常。或因自幼讀書。一時不及學習騎射。似此之人。縱使批取侍衛拜唐阿。馬能得力。理宜量加調劑。嗣後在京文職三品以上。武職二品以上。外任文職自總督起至按察使止。武職自將軍提督起至總兵止。該大員之弟兄子孫內。如有年已及歲。堪任侍衛拜唐阿差使。每遇五年查辦之期。情

願批取者。該大臣等仍照上屆呈報本旗由該旗造冊咨送軍機處彙題。經朕指出帶領引見。儻身弱有疾。或弓馬平常。不稱侍衛拜唐阿者。該大臣等即據實報名。該旗轉行軍機處聽其自便。該旗亦毋庸催取名字。以示朕培養旗僕因材器使之意。○二十五

年

諭。嗣後在京文職自三品以上。武職自二品以上。在外文職自總督至按察使。武職自將軍提督至總兵。該大員兄弟子孫內。如有年已及歲。可以充當侍衛拜唐阿差使者。俟五年查辦之際。該大臣等仍照上次

呈報本旗。由該旗造冊咨送軍機處彙總具奏。俟朕指出帶領引見。如身體單弱。或有殘疾。抑或弓馬平常者。著該大臣即據實報明。該旗轉行軍機處均聽其便。該旗亦毋庸催取其名。以示朕作養器使旗僕之意。

批補親軍。原定三旗每佐領親軍二名。鑲黃旗滿洲八十五佐領。蒙古二十八佐領。共親軍二百二十四名。內親軍校十五人。五旗移入六十五佐領。親軍一百二十名。內親軍校十人。正黃旗滿洲九十三佐領。蒙古二十四佐領。共親



軍二百三十四名。內親軍校十五人。五旗移入六十七佐領。又半佐領親軍一百三十五名。內親軍校十一人。正白旗滿洲八十六佐領。蒙古二十九佐領。共親軍二百三十名。內親軍校十五人。五旗移入五十八佐領。又半佐領親軍一百十七名。內親軍校九人。三旗親軍每旗選六十人。隨侍衛班行走。其餘親軍校親軍盡隨三旗護軍營護軍校護軍。一同直宿當差。○又定親軍缺於本佐領下護軍馬甲養育兵閒散壯丁內選補。隨侍衛班行走之親軍於本旗親軍

內遴選弓馬人材及世胄子弟拔補均由印務班領選擬呈本旗領侍衛內大臣酌補

考察甄別。舊例侍衛不入軍政。其有人材不及行走怠惰及年老有疾者。該侍衛班領什長隨時據實呈明領侍衛內大臣覆覈分別去留。具奏請

旨。恭候

欽定。京察之年。考覈侍衛處主事筆帖式賢否。出具考語填造四柱清冊移送吏部都察院史料京畿道考察。乾隆四十四年奏請加侍衛處主

事筆帖式京察一等額數奉

旨。著加一員。共作為三員。○五十二年奏准侍衛處主事三員內。京察一等一員。委署主事三員。筆帖式九員內。京察一等一員。共一等二員。○嘉慶四年

諭。内外文職官員三年京察。武職官員五年軍政。均有定例。但大門上行走侍衛。並無軍政之例。此內保無年老材庸者。著將大門上行走侍衛等。亦入於軍政例內。列於該旗武職之前。考驗。僮侍衛內有差使。懶惰不安本分者。該管大臣平日查出。即可參奏。從前

應行軍政官員均係分左右兩翼二處看驗。徒延時日。嗣後將左右兩翼應行考驗官員分作四處考驗者為例。又

諭黏杆處侍衛鑿儀衛章京等亦著照各執事侍衛一體入於軍政。欽此。遵

旨議定。大門侍衛黏杆處侍衛鑿儀衛章京等六十員內保舉一員。如不足六十員之數。其中果有人材超眾者。於行文內聲明。亦准保一員以示鼓勵。○七年

諭嗣後散秩大臣等一切進班差務俱著領侍衛內大

臣擬派稽查。原因散秩大臣等進班各差。無人稽查。任其託故推諉。日久必致曠誤。並非將散秩大臣為領侍衛內大臣所屬伊等差務勤惰之處。若年終彙奏一次。則日期太遠。著領侍衛內大臣按季具奏。如有曠班誤差者。即行糾參。

點驗軍器。○舊例侍衛處軍器不由兵部奏請點驗。乾隆四十一年遵

旨議定。嗣後遇點驗軍器之期。侍衛處造冊咨送兵部。一體奏派王大臣點驗。畫一辦理。至護軍校筆帖式等員。概免點驗。以示體恤。○四十六年

諭三旗侍衛鑿儀衛章京等盔甲者停其點驗

校射○原定鑲黃旗每月於初二十六日騎射  
初六十一二十一二十六日步射正黃旗於每  
月初三十七日騎射初七十二二十二二十七  
日步射正白旗於每月初四十八日騎射初八  
十三二十三二十八日步射○雍正二年議准  
向例

內禁直班之上三旗章京護軍等俱於日中會集  
分班於申時初刻接班若遇射箭之期俱於飯  
後習射或有射箭生疏之人令其多時演射即

恐於換班之時。必致有誤。畧刻嗣後將

內禁直班之上三旗章京護軍校等。亦照侍衛之例。令其清晨換班。會集射箭之處。俾得盡日學習。○三年奏准三旗親軍令侍衛班領及親軍校管束其騎射優劣。行走勤惰。皆令侍衛班領及親軍校一體稽察。至該旗差務。仍照常例行。

○乾隆四十三年奉

旨。朕閱侍衛等射箭。箭翎過彎。竟成綠營體式。聞有弓力不硬。而箭翎長大者。伊等惟知如此製造。壯觀而用時。是否得力。並不知曉。射箭之道。其箭必配弓力。

製造則箭出方有準的。若弓硬箭輕射時非高出則必傷箭杆。若弓軟箭重或箭翎太彎則必就地出溜而箭去更慢。况演習步射特備兵圍之用。今平日於製造箭法竟不講究。遇用時又有何益。從前滿洲隨我

祖宗平定天下。弧矢之利所向無敵。朕臨御四十餘年。惟恐弓馬廢弛。諄諄誥誡。今箭不合式。觀之似乎小事。然因循日久。致滿洲俱不講射箭之法。所繫甚大。因將朕所用之箭發出一枝。交領侍衛內大臣傳令各處閱看。著俱以此為式。各配弓刀製造使用。諸大



臣咸體朕意。務將所管侍衛官員兵丁。訓以講求射法。毋得忽略。阿哥亦著敬記此旨。○嘉慶六年奉

旨從前

皇考特降諭旨。凡派出圍場之旗員。每多託故不射布靶。此次未射布靶之人。下次京察著不必列入一等。此實欲旗人勉務根本。毋忘舊風之至意。自當永遠遵行。明年即屆京察之期。著各該部院查明各該管官員。將嘉慶三年派出圍場託故不射布靶者。俱照此例。毋庸列入一等。嗣後派出圍場應射布靶之人。如託故不射者。由該部註明。下一次京察。毋庸列入

一等者交各部院永著為例

養廉。原定領侍衛內大臣每人歲給銀九百兩。內大臣散秩大臣四百兩。均於春秋二季咨戶部支領。領侍衛內大臣兼閣部者並支。內大臣散秩大臣兼侍郎副都統者不並給。兼將軍總督巡撫者不給。

### 御前侍衛

乾清門侍衛及批本處官員。每年賞銀萬兩。於戶部支領。按人數均分。○乾隆三十九年奏准印務班領。每人增給養廉銀各二百兩。由廣儲司

之侍衛路費等項銀兩內支領於年終給予。其  
每年賞銀內應得銀四十兩不重給。即將此項  
賞給侍衛班領。○道光二十九年定。崇文門每  
年中秋節前。解交侍衛處。節省銀二千兩。分給

### 御前侍衛

乾清門侍衛及奏蒙古事侍衛。批本處官員。

優恤。○雍正七年定。三旗各領銀二萬兩。生息  
以資公用。由各旗印務班領辦理。○乾隆十四  
年。奏准。此項銀交各該旗辦理。所得之息。交內  
務府廣儲司收存。用時陸續於廣儲司支領。仍

令印務班領收管。○又定三旗內班侍衛每旗日給飯銀二兩外班侍衛人各給飯銀五錢貼班侍衛每人給飯銀亦如之。八侍衛班之親軍在

圓明園直班每班各給飯銀二錢五分在外直班之親軍校親軍每人各給飯銀一錢五分均於公用銀內動用。○又定凡侍衛月給馬乾制錢三千咨各該旗轉行戶部支領侍衛處主事筆帖式於

圓明園直班每人領飯銀五錢在京自十月至十

二月。每旗領飯銀八兩。餘月五兩。○又定侍衛奉差。無論近遠。給幫貼銀十兩。亦於公用銀內動用。凡公用銀。每於年終。逐款開明。送廣儲司奏銷。○乾隆二十四年。奏准嗣後賞給巴圖魯名號之侍衛。賞銀一百兩。在京者由廣儲司支領。在軍營者該處將軍奉

旨。後由軍營存儲銀兩內支領賞給。○二十六年。奏准派往卡倫之侍衛。借與二年俸銀。其僕從之衣裘等項。銀兩視出兵者減半給予。又每人賞銀五十兩。由本處支領。○二十七年。奏准將派

往卡倫之侍衛整裝銀兩停止。照換班官兵之例。借與二年俸銀。俟撤回時扣繳。○又奏准侍衛等本身事故。賞銀四十兩。由本處支給。其父母妻子事件。由該旗支給。○二十八年奏准。扈蹕避暑山莊。由京隨往不換班之大臣侍衛等。三月以上者。給幫銀三月。秋後換班居住兩月有餘者。給幫銀兩月。其後來趕赴

木蘭者。給幫銀一月。○三十年奏准。將派往卡倫之侍衛起程前。借支俸銀停止。俱賞銀五十兩。令其整裝。○三十六年奉

旨嗣後侍衛內果係出力年久因年老有疾不能當差呈請告退者著加恩仍戴翎頂其尚未逾歲因病革退及因怠情事故革退者即行斥革著為令。又覆准嗣後留京居住之新滿洲索倫烏拉齊等一切器用官為辦給毋庸折價一。二。等侍衛給銀六百兩。三。等侍衛藍翎侍衛給銀四百兩。將每年應給地租銀兩各減去一半。給予一半。○三十七年奏准隨園之

御前侍衛

乾清門侍衛等各賞銀四十兩。常川隨駐

避暑山莊之大門侍衛等各賞銀二十五兩。○五

十年奉

旨。三旗侍衛差使繁多。且常隨朕行圍。惟賴伊等力量。拴馬當差不無拮据。著加恩於直隸之餽養馬匹內。三旗侍衛並儀仗章京每人賞給馬兩匹。拴養應如何分給拴養之處。著軍機大臣定議具奏。欽此。遵

旨議定。三旗侍衛六百六十員。儀仗章京六十七員。每人給馬兩匹。拴養共需馬一千四百五十四匹。由直隸領取分給。其有出差及出缺未挑者。應給馬匹。暫揀派行走好之親軍校等。每人給拴



一匹俟差回挑補空缺時再行撤出給本人拴養至餵養馬匹之草料錢糧照八旗所拴官馬支給自拴馬日期起由本處徑咨戶部支領又直隸餵養之馬匹每年出青日期裁去草料錢糧銀兩此項馬匹係

特恩賞給應停止出青內有派出隨圍之人進

木蘭後水草足資牧放自進

木蘭後起至回到熱河日止毋庸給予草料錢糧再隨往

木蘭之侍衛等除本身所拴馬匹外尚需添掣馬

匹仍於進哨前照例足額添給回時照例交納  
○嘉慶四年奉

旨嗣後派往新疆辦事之侍衛等有棄瑕錄用自備資  
斧而世職仍留本身者准支食所留世職半俸○道  
光六年奏准

紫禁城內該班侍衛官員兵丁等原定五年更換  
一次之被褥各一分嗣後覈計應得被褥數目  
折給銀兩每年分給本處銀一百兩向廣儲司  
支領

漢侍衛給假程限○原定漢侍衛授職未逾一

年不準請假。如一年後實有省親修墓等事，取具同鄉官印結，呈明領侍衛內大臣具奏奉旨，准其回籍者，赴兵部親領執照，各按省分定限，依限回京。將原照在部呈繳。如有逾限者，至年滿應升時，計算所逾日期不及一月者，另行扣足。方准升用。一月至一年以上者，分別停升二年。以上者休致。○乾隆四十四年定，侍衛並非出差辦事而告假外出者，停支每月馬乾錢，俟回京當差之日再給。○嘉慶五年

諭。據領侍衛內大臣等奏，漢二等待衛陳宗翰、漢藍

翎侍衛郭文鐸告假逾限不行來京二摺。陳崇韜係廣東人。告假回籍已逾定限。經侍衛處行催。旋因伊父病故。違例懇請在籍穿孝。既經兵部照例駁飭。仍未來京。郭文鐸係直隸人。告假限滿復稱患病不能起程。亦經侍衛處行催。據稱病已痊愈。情願進京當差。乃又逾兩月。尚未到京。均屬不合。陳崇韜著革去二等侍衛。郭文鐸著革去藍翎侍衛。並著各該督詳查二員。或實因家道貧難無力進京。其陳崇韜所請在籍穿孝。是否係屬不諳定例。均尚無別項託故逗遛情事。即將該二員各留本省。酌量以營員奏補。不

必復令來京。儻該二員在籍時竟有倚恃翎頂出入衙門招搖滋事情節。即行查審具奏。○七年定。漢侍衛告假回籍後如遇親喪准在籍守制一百日。該省督撫聲明咨部。假滿回京時准其扣除如告假限期已滿遇有患病不能起程呈明地方官具結申詳督撫咨報兵部。病痊之日行文嚴催依限起程。於咨內聲明回京時准其扣除。如有冒混等弊。兵部將該員照例議處。○十五年諭領侍衛內大臣等奏。漢侍衛呈請給假一摺。向來漢侍衛當差一年方准給假。除黃國瑞黃廣吉黃德申

馮俊三已滿一年照例准假外其張青雲牛化蛟羅  
興馬當差甫經數月該員等或以親老或因親病呈  
請回籍省視原情曲體亦著准其給假但該員等是  
否親老有無患病之處自當查明以昭覈實若其中  
果有捏飾忍以父母衰病為詞既非人子之道而藉  
端曠職又失臣下急公之誼著兵部行文各該省詳  
查如有不實即行叅奏嗣後漢侍衛未滿一年以親  
老病呈請告假者除准假外仍照此查辦

